



Il mas-chalch da Sent

Publicaziuns officialas. Cumpara seguond bsögn.

2009/2011

no. 15

7554 Sent, 13 november 2009 / bmr

Publicaziuns da fabrica

Reguarda: Fouras geotermicas, Archas 194, 7554 Sent

Patrun da fabrica: Roland Jacobs, Archas 194, 7554 Sent

Profilà: --

Publicaziun: 13.11.2009

Termin da protesta: 03.12.2009

Edizium: Tuot ils plans sun exposts in büro cumünal.

Recuors: Protestas da dret public, cunter quistas publicaziuns, sun d'inoltrar infra 20 dis in scrit, a partir da la data da publicaziun, al Cussagl cumünal.

La cumischiun da fabrica

Invid: Di da las portas avertas

Ma Perla – Bergperle, la nouva Pensiun Garni es pronta per l'avertüra da la stagiun d'inviern. Nus invidain cordialmaing ad ün di da las portas avertas. In **sonda, 5 december 2009 da las 10.00 h fin a las 18.00 h**. Nus ans allegrain sün vossa visita. www.bergperle.ch

Doro und Til

Società da musica Sent

Sairada d'Advent in chasa da scoula in **sonda als 19 december 2009**. Tuot quels chi han interess da far alch produziuns quella saira, dessan as metter in colliaziun cun sar Hans Neuenschwander o Flurin Nuotclà. Giavüschà sun produziuns da tuot gener sco eir produziuns da. chant, teater, istorgias eui.

Società da musica Sent

Il bazar da la società da duonnas

ha lö als **29 november 2009 a las 13.30 in chasa cumünala**. No vain fat bels arrandschamaints da Nadal, cranzins d'Advent, bleras lavurs da man. Natüralmaing daja ün'ingiavinera ed üna stüva da caffè cun bunas tuortas e panins. No lain far attent, cha no fain eir stinvs e pullovers sün postaziun. Giuven e vegl es amiaivelmaing invidà. Grazcha fich ouravant per vos sustegn e per vossa numerusa cumparsa.

La società da duonnas

Da vender

Per vender bunmarchà ün let-canapè grisch-beige. Largezza 1.60 m, otezza 0.70 m. Grondezza dal let trat oura: Lunghezza 2.30 m, larghezza 1.30 m. Interressents s'annunzchan per plaschair suot il nomer da telefon 081 322 17 32 o 079 453 98 71.

Emilia Gianotti

Giubileum: 30 avel turnier da ballarait

Ils 12 ed ils 13 da december 2009 ha lö il 30 avel turnier da ballarait da Sent. Chi chi ha plaschair e vöglija da giovar a ballarait, po s'annunzchar fin il plü tard als 7 december 2009 pro las seguaintas mattas dal s-chalin ot:

- Tanja Scandella 081 864 84 74
- Martina Pua 081 864 83 54

Las taxas da partecipaziun pels creschüts sun las seguaintas: di e/o not 35.- (inclus tschaina e püschain) e be di 7.-. Pels uffants es la partecipaziun gratuita. No'ns allegrain per verer vossas attachas, salvadas e fintas.

Nataglia Caviezel e Gian Caviezel

Promoziun dal sport da naiv

Cull'acziun **Uffants da scoula** han las Pendericulas Motta Naluns Scuol-Ftan Sent SA e'l cumün da Sent il böt da promover il sport da naiv. Our da quel motiv finanzieschan els üna gronda part dals cuosts vi da mincha carta da stagiun. L'acziun lantschada vain manada tras eir quist on. Las cartas pon, sco adüna, gnir cumpradas cul rebass a la cassa da las Pendericulas Motta Naluns. Las datas da la prevendita vegnan dattas cuntshaintas direct da la Motta.

Attenziun: Quista sporta vaglia be per scolars cun domicil a Sent.

Il Cussagl cumünal

Avis a reg. allontanar saivs electricas

Tenor art. 32 da l'uorden champester ston tuottas saivs electricas chi sun gnüdas fattas sün terrain privat e cumünal gnir allontanadas d'ürant il temp d'inviern. Our da quel motiv sun quellas da **levar subit**.

Sch'inchün nu vess da seguir a quist appell, vegnan levadas las saivs da cumün oura a cuosts da quel chi ha invlidà d'allontanar la saiv. **Attenziun: Quist avis vala eir per alps e pas-chs! Eventuals dons chi subaintran van a charg da quel chi nun ha levà la saiv!** Fich privlus sun pels skiunzs filfiers chi vegnan be miss giò per terra. Per plaschair allontanar eir quels.

Il schef da god, pas-ch e pauraria

Deponia La Fuorcha

La deponia vain **serrada** ufficialmaing **fin davu Pasqua**.

In cas urgiants e scha'l stadi da la via d'access fin pro la deponia permetta, as po passar per la clav in büro cumünal. L'avertüra ufficiala dal 2010 vain comunicada aint il Mas-chalch.

Il Cussagl cumünal

Acziun da birnel

In collavuraziun cul uffizi da provedimaint vain organisà eir quist on ün'acziun da birnel. L'acziun po gnir fatta be scha las postaziuns da birnel surpassan la limita prescritta dad 80 kg. Scha quai nu vess d'esser il cas, ston tuot las postaziuns inoltradas gnir annulladas.

Postaziuns cul fögl suotvart pon gnir büttadas aint illa chartera dal Cumün pro l'entrada dal büro cumünal fin **venderdi, 11 december 2009, a las 17.00**.

Uffizi da provedimaint

Tagliar

Fögl da postaziun: Il suottascrit posta quattras:

..... chartun(s) = 15 dispensers à 250 gr	birnel =	fr. 60.00	tuot ils predschs
..... chartun(s) = 12 vaiders à 1 kg	birnel =	fr. 120.00	incl. IPV + transport
..... sadella(s) à 5 kg	birnel =	fr. 44.00	
..... sadella(s) à 12,5 kg	birnel =	fr. 100.00	

Telefon:.....

Nom e prenom:.....

Transit d'inviern in Val Sinestra

A regard il transit d'inviern in Val Sinestra vain praticchè sco d'ürant ils ons passats, in rondond attent sül scumond da transit dals 27 december 1978 dal Cussagl cumünal e sül decret dal Departamaint da güstizia e pulizia chantunal dals 1. favrer 1979.

Scumond

Dals 1. november fin als 30 avrigl esa scumondà da transir cun veiculs a motor sülla via Sent – Sinestra. Il scumond vala davent da l'ür dal god Vaschnuogls/Vita-Parcours fin pro'l Kurhaus Val Sinestra. Surpassamaints da quist scumond vegnan chastiat in basa als artichels 20 e 30 da la ledscha stradala. Quist scumond es gnü publichà i'l Fögl uffizial dal chantun Grischun dals 16 favrer 1979.

- Il segnal no. 2.01 "Scumond general per trafic cun veiculs a motor" es piazzà a l'ür dal god.
- Avant la Val Vallatscha es impü montada üna barriera.
- Üna barriera es a l'ür dal god.
- In cas da privel da lavinas sun da resguardar las directivas e masüras dal servezzan da lavinas dal cumün da Sent.

Per traffichar faja dabsögn d'ün permiss special dal cumün. (**La vignetta da vias champestras dal cumün da Sent nu vaglia per transir in Val Sinestra**). I vain montada suot il scumond general üna tabla "exclus cun permiss special dal Cumün". Permiss specials tschüffan be persunas chi han üna incumbensa i'l hotel Sinestra. Tuot ils giasts ston gnir transportats davent da Sent tras l'hotel. Surpassamaints dal **scumond general** vegnan chastiat.

Cussagl cumünal

Administraziun forestala Sent Condotta da laina Uina Dadora / Ischla

Traget da transport:	Uina Dadora - Ischla
m3:	ca. 300 m3
termins:	- cumanzamaint - finischun
	subit cha las relaziuns laschan pro 15 mai 2010

La rumida da naiv va a charg dals accordants. Las offertas han da gnir inoltradas fin il plü tard als **27 november** pro'l silvicultur

offerta per condotta, manar e rolar al m3: Uina Dadora - Ischla

frs. m3 net =

(cumanzamaint via Ladritscha)

Per spiegaziuns plü detagliadas stuna gugent a Vossa disposiziun

Nom e prenom: _____

Data: _____

Suotacripziun: _____

Il silvicultur



Activitats

Rom da fotografias cun foglia da magnet, uffants

Data: 25 november 2009
Temp e d'urada: 14.00 – 16.00 h
Lò: Butia Schlerin Café creativ, Sent
Cuosts: Fr. 5.00 + material
Annunzcha: 19 november 2009

Glüminas da vaider, uffants

Data: 2 december 2009
Temp e d'urada: 14.00 – 16.00 h
Lò: Butia Schlerin
Café creativ, Sent
Cuosts: Fr. 5.00 + material
Annunzcha: 27 november 2008



Crear sia agna tazza o plat da ceramica, uffants

Data: 9 december 2009
Temp e d'urada: 14.00 – 16.00 h
Lò: Butia Schlerin Café creativ, Sent
Cuosts: Fr. 25.00
Annunzcha: 7 december 2009



Ufficina da Nadal per uffants

Data: 16 december 2009
Temp e d'urada: 14.00 – 16.00 h
Lò: Butia Schlerin Café creativ, Sent
Cuosts e d'urada: Fr. 20.00
Annunzcha: 14 december 2009

venderdi als 27 november 2009
da las 14.00 – 17.30 h arandschamaints e cranzins d'advent da
duonna Margrith Meyer

Decorar ün tas-cha da sip (Zip..it) cun il Kaj Inker sainza cusir, creschüts

Data: 10 december 2009
Temp e d'urada: 19.30 – 21.30 h
Lò: Butia Schlerin Café creativ, Sent
Cuosts: Fr. 20.00 + material e tas-cha
Annunzcha: 4 december 2009



Butia Schlerin Café Creativ
Chasellas 61, 7554 Sent
Tel. 081 864 81 05 oder 079 753 52 55
www.schlerin.ch